

史記疏證

(外一種)

佚名撰

史記疏證

(外一種)

佚名撰

上海古籍出版社

圖書在版編目(CIP)數據

史記疏證:外一種/佚名撰—上海:上海古籍出版社,
2008.1

ISBN 978-7-5325-4729-6

I. 史... II. 佚... III. 史記—研究 IV. K204.2

中國版本圖書館 CIP 數據核字(2007)第 067064 號

史記疏證(外一種)

佚 名 撰

上海世紀出版股份有限公司 出版、發行
上 海 古 籍 出 版 社
(上海瑞金二路 272 號 郵政編碼 200020)

(1) 網址:www.guji.com.cn

(2) E-mail:guji1@guji.com.cn

(3) 易文網網址:www.ewen.cc

新華書店上海發行所發行經銷 上海展強印刷有限公司印刷

開本 787×1092 1/16 印張 44 插頁 5

2008 年 1 月第 1 版 2008 年 1 月第 1 次印刷

印數:1-800

ISBN 978-7-5325-4729-6

K·998 定價:130.00 元

如有質量問題,請與承印公司聯系

出版說明

《史記》一百三十篇，西漢司馬遷撰，是我國第一部紀傳體通史。《史記》體大思精，內容充實，材料豐富，文字生動，為我國古代史著之典範。《史記》成書後，歷代續補、注釋之作很多，最著名者有劉宋裴駙《史記集解》、唐司馬貞《史記索隱》、張守節《史記正義》，俗稱「三家注」。清代是對《史記》研究的集大成時期，清代學者在繼承前代研究成果的基礎上，在《史記》考證和評論兩方面都取得了巨大成就。今特選佚名撰《史記疏證》六十卷、清末崔適撰《史記探源》八卷合編出版，以資參考。《史記疏證》無撰人名氏，書前題記云疑為沈欽韓所作，該書考證名物，辨疑解惑，對舊注之缺漏多有補正。崔適站在今文經學的立場上，對《史記》進行考證辨偽，就其中的材料來源、引文採摘、文句的起止以及內容的矛盾等，逐一進行考證探究。《史記疏證》據北京圖書館藏清抄本影印，《史記探源》據清宣統二年崔氏鐫廬刻本影印。

上海古籍出版社

二〇〇七年四月

攷仁和邵位西先生懿辰所著簡明日錄有
漢書疏證二十四卷云國朝沈欽韓著
此書既與漢書疏證連續合鈔且行款
體例亦復相同當亦欽韓作也二書舊
不題名因于檢書之餘表而出之



正義謚法解
平易不訾曰簡

史詮曰周書訾作疵

愛民長弟曰恭

史詮曰周書愛作安

揚善賦簡曰聖

史詮曰周書揚作稱

執禮御賓曰恭

史詮曰周書御作敬

尊賢讓善曰恭

史詮曰周書賢作德

大慮靜民曰定

史詮曰一本靜民作慈仁

純德不爽曰定

史詮曰周書爽作二

賜民爵位曰文

史詮曰周書賜作錫

小心畏忌曰儻

史詮曰一本儻作釐

諫爭不威曰德



史詮曰周書諫爭作謀慮
有罰而還曰登

史詮曰周書罰作伐
威彊敵德曰武

史詮曰周書敵作敵
溫柔賢善曰懿

史詮曰周書賢作聖
夸志多窮曰武

史詮曰周書夸作大
淵源流通曰康

史詮曰周書康作共

溫柔好樂曰康

史詮曰一本柔作良

協時聲厚曰孝

史詮曰周書厚作享

合民安樂曰康

史詮曰周書合作令

資輔就共曰齊

史詮曰周書作共就

敏以敬慎曰頃

史詮曰周書慎作順
昭德有勞曰昭

史詮曰一本昭作明
柔德安衆曰靖

史詮曰周書安作考
聖聞周達曰昭

史詮曰周書聞作文
猛以剛果曰威

史詮曰周書猛作強
不隱無屈曰貞

史詮曰周書屈作私

彊義執正曰威

史詮曰周書執作信

敵圍克服曰莊

史詮曰周書圍作通

勝敵志強曰莊

史詮曰周書作莊志曰勇

屢征殺伐曰莊

史詮曰一本征作行殺作征

或揚善曰德

史詮曰周書德作懷
秉德尊業曰烈

史詮曰周書尊作導

死見神能曰靈

史詮曰周書神作鬼

隱拂不成曰隱

史詮曰一本拂作括

極知鬼神曰靈

史詮曰周書神作事

凶年無穀曰荒

史詮曰周書荒作康

蚤孤鋪位曰幽

史詮曰一本鋪作損

使民悲傷曰愍

史詮曰周書悲作折

柔質愛諫曰慧

史詮曰周書愛作受慧作惠

施勤無私曰類

史詮曰周書施勤作勤政

思慮果達曰明

史詮曰一本果作深明作悍
博聞多能曰憲

史詮曰一本憲作獻

思慮不爽曰厚

史詮曰周書厚作愿

好內遠禮曰煬

史詮曰一本遠禮作怠政

克威惠禮曰魏

史詮曰周書惠禮作捷行

慈惠愛親曰隆大慮行節曰孝強毅果敢曰剛

毅迷而不悌曰丁夙夜恭事曰敬象方益平曰

敬容儀恭美曰勝息政交外曰推逆天虐民曰

煬

史詮曰今本俱缺

除惡為政

史詮曰周書惡作亂

剛克為發柔克為懿履正為莊有過為倍

史詮曰今本缺為發以下十二字

惠無內德為獻治而無青為平

史詮曰今本缺為獻以下六字

尊修也

史詮曰周書作遵循

又治也康安也服敗也

史詮曰今本缺

秉順也

史詮曰周書秉作康

塞過也

史詮曰今本缺

康虛也

史詮曰周書康作糠

式法也捷克也

史詮曰今本式作武捷作速缺克字

載事也彌久也

史詮曰今本久作文缺二也字

以前周書謚法至以傳後學

史詮曰此二十三字正義本注也與下篇分

野所引漢書地理後分注同今本作大書誤

也

史記疏證卷第一
三皇本紀

楊慎曰譙周古史攷以炎帝與神農各為一人羅泌路史以軒轅與黃帝非是一帝史皇與蒼頡乃一君一臣共工氏或以為帝或以為伯而不王祝融氏或以為臣或以為火德之主 錢塘邵泰衢疑問曰庖犧近取諸身遠取諸物以通神明之德以類萬物之情始畫八卦神農氏耒耨之用以教萬人日中為市交易而退此聖人之始祖也夫豈不類人形體同獸畜其何以君臨幾甸綏撫萬民乎至煉石補天輕清從何登躋鰲足立極餘體向何安置蓋共工傲擾天紀綱常幾絕女媧滅之四土復正萬民更生此所謂補天立極也平天成也然雖喻言寶同誕鄙馬貞補入殊屬贅瘤况山崩柱折三皇萬歲乘雲車駕六羽蓋附會不經矣至履跡感龍蓋惑于履帝武敏歆交龍于媪上孕產漢高之謬也男女構精萬物化生人交成人獸交成獸安有異物交人而生人之理若是則契非學子燕父

而人母矣高帝非太公子龍父而人母矣賤人貴畜而曰龍厭常喜新而曰大人跡有母無父豈常經哉古者立郊禘玄鳥至之日太牢祀之天子親往后率嬪御以從乃玄鳥至而祀以生商有天命也故曰天命玄鳥降而生商安得曰吞鳳卵乎姜嫄隨帝之後武以祭于郊禘故履帝武而上帝居歆之敏速也生而棄之者蓋生產每苦其不達而難也今也先生如達矣生產者必折副有災害也今也不折不副而無災害矣居然生子異于常

人之生此所以棄也豈履大人跡之謂哉今以伏羲生于大人之跡神農生于感龍之神是欲以異尊聖而不知其誣聖之甚也將以聖人為非類與

太皞庖犧氏風姓

路史後紀曰孔演明道經云燧皇在伏羲前風姓始王天下是伏羲因燧皇之姓矣三墳書言因風而生為風姓鄧氏姓書云東方之帝木能生風故為姓豈其然哉予固謂上世嘗有風國因為姓爾故帝後有風后風國之

后蓋久而後得之

母曰華胥履大人跡於雷澤而生庖犧於成紀路史後紀曰詩含神霧云巨跡出雷澤華胥履之何圖亦云孝經鉤命訣云華胥履迹怪生皇羲注云靈威仰之迹寶積記云帝女遊于華胥之淵感地而孕十二年生庖犧長頭脩目龜齒龍唇白髯委地

蛇身人首

路史後紀曰玄中記云伏羲龍身靈光賦乃云麟身文子云蛇身麟首有聖德故周燮傳

注云麟身牛首非也

於是始制嫁娶以儷皮為禮

路史後紀曰麗鹿皮也古史攷云伏羲制嫁娶以儷皮為禮作琴瑟以為樂通典唐志等皆作儷白虎通義作离云雙皮也婚聘薦皮為可裘服不忘古也禮外傳云伏羲以儷皮為幣

結網罟以教佃漁故曰宓犧氏

路史後紀曰世本伏羲臣老氏作羅或作句老

養犧牲以庖厨故曰庖犧

路史後紀曰尋攷古書取犧充庖之說不可解于後世崔氏正論更謂太昊設九庖之官甚妄

作二十五弦之瑟

路史後紀曰文子世紀伏羲作瑟三十六弦益瑟屬陰故用十六之數世本云庖犧瑟五十弦後黃帝使素女鼓之哀不自勝破為二十五弦且二均聲故小司馬三皇紀及小史皆云伏羲所作之瑟二十五弦

木德王主春令

路史後紀曰寶積記王子年云以木德王故曰春皇太昊氏居東方叶于木德故曰木皇都於陳

路史後紀曰世紀天皇庖犧都陳留遁甲注云伏羲徙治陳倉地非陳國則不必宛丘矣然歷代以宛丘為太昊之虛今宛丘北一里有伏羲廟八卦壇寰宇記云伏羲于蔡水得龜因畫八卦之壇有長史張齊賢文李邑易之然九域志陳蔡俱有八卦壇此後人之附

會按姚睦亦云黃帝都陳者則羲皇俱在西方矣豈其先後徙耶

立一十一年崩

文獻通考堯宛丘在陳州路史後紀曰世紀云堯南郡在襄陽按帝冢今在山陽高平西北高平襄陽之境然九域志宛單皆有伏羲陵又河中府有庖王廟引戴氏西征記云潼關直北隔河望層阜巋然獨秀謂之風陵伏羲氏風姓也此當是女媧墓然古帝王墓冢皆非一所宜必有說徐孚遠曰土古聖人無受命短促者伏羲立十一年非是作一百十五年為允凌稚隆曰按通鑑前編諸史會編皆作一百一十五年疑刊者誤

其後裔當春秋時有任

宿

路史國名紀曰任伯爵本已姓帝魁母家速黃帝以封幼子周之繼絕也以居風姓今濟陽之任城水經注云亢父故城西夏后氏之國也亢父即今任城唐隸兗州國名紀曰宿男爵周武王封宋人遷之隱公及宋人盟于宿莊十年宋人杜預云東平亡遷宿不云宿遷于某亡之也

鹽有故宿城亡鹽城在今鄆之須城東三十
六里隨宿城縣也秦置須昌在須句城北開
城西北三十二里別置須昌

須句

國名紀曰須句子爵成風國邾伐而魯取之
一作朐朐地志朐城在壽昌西北今須城西
北須朐故城者京相璠云須朐一國二城西
名非也蓋鄆歸須城而朐猶是故所

顯史

國名紀曰子爵沂之費縣西北二旅有顯史

故城懷宇記沂水西北八里今在費縣西北故漢顯史縣

女媧氏亦風姓

風俗通曰女媧伏羲之妹路史後紀曰盧

全云女媧本是伏羲婦非也

蛇身人首

路史後紀曰玄中記云伏羲龍身女媧蛇軀
列子以為皆地身牛首虎鼻故曾植贊女媧
云二皇牛首地形

惟作笙簫

路史後紀曰禮記明堂位云女媧之笙簫世

本以為隨作宋表注以為女媧氏之臣許氏
說文曰隨作笙女媧作簫

女媧氏沒

水經注曰戴延之西征記潼關直北隔河望
層阜巋然獨秀謂之風陵此是女媧墓元
和郡縣志女媧陵在任城縣東南三十九里
太平寰宇記閿鄉津去閿鄉縣三十里即
舊風陵關有女媧墓自秦漢以來皆繫祀典
唐乾元二年虢州刺史王奇光奏所部閿鄉
界女媧墓天寶失其所在今月一日夜河上
側近忽聞風雷聲曉見墓湧出上有雙柳樹
下有巨石其柳各高丈餘路史後紀曰墓
今在潼關口河潭上屹然分河有木數株雖
瀑漲不漂沒今屬陝之閿鄉縣按元和郡縣
志風陵堆在河東縣南五十與潼關對寰宇
記風陵城在其下閿鄉津去縣三里即陵故
關也女媧之墓秦漢以下俱係祀典然九域
志寰宇記濟之任城東南三十九里又有女
媧陵城家記云女媧墓有五其一在趙簡子
城東今在晉之趙城東南五里高二丈九域

志晉州有帝女媧廟寰宇記在趙城故皇朝
列祀亦在趙城

母曰女登有媧氏之女為少典妃感神龍而生
炎帝

路史後紀曰春秋元命苞云少典妃安登遊
于莘陽有神童首感之於常羊生神子人面
龍顏好耕是為神農

長於姜水固以為姓有媧補謚以為少典

路史後紀曰少典氏取於有僑氏是曰安登
有僑國也世紀云神農母任姁有僑氏女曰

女登非也孰有一姓而任僑兩國者蓋任姁
乃帝魁之母世多以世魁為神農因合之爾

火德王故曰炎帝

路史後紀曰世紀云以火承木位在南方主
夏故謂炎帝閼尹告列之子神農有炎之德
者通典云有火星之瑞也

始教耕故號神農氏

逸周書曰神農之時天雨粟神農耕而種之
作陶冶斤斧為耜鉏耨以墾草莽然後五穀
興 路史後紀曰梁武祠像碑云神農氏因

宜教田闢土種穀以振萬民而管子謂神農
教耕生谷以致民利陶弘景本草序神農嘗
草以省殺身之弊

于是作蜡祭

禮記郊特牲曰伊耆氏始為蜡鄭注伊耆氏
古天子有天下之號皇侃曰神農伊耆一代
總統其子孫有天下者始為蜡祭其先祖造
田者熊安生曰伊耆氏即神農也或曰大庭
神農之別號
以赭鞭鞭草木

搜神記曰神農赭鞭鞭百草盡知其平毒寒
溫之性臭味所主以播百谷故號神農

始嘗百草始有醫藥

帝王世紀曰神農使岐伯嘗草木曲醫療疾

路史後紀曰太原有神釜岡有神農嘗藥
鼎又成陽山中有神農鞭藥處一曰神農亦
名藥草山中有紫陽觀云帝于此辨藥世紀
曰神農著本草四卷

又作五弦之瑟

桓譚新論曰神農氏繼而王天下于是始削

桐為琴絃絲為絃以通神明之德合天人之和 廣雅曰神農氏琴長三尺六寸六分上有五絃曰宮商角徵羽又增二絃曰少宮少商 路史發揮曰三都賦補史記以為神農制琴說文世紀隨志小史則以為神農造琴益脩之也楊雄琴清英云昔者神農造琴以定神禁淫僻去邪欲反其天真新論琴道云其琴七絃而鄭遂洽聞記乃以為神農之琴二十五絃夫二十五絃在所未聞而七絃則世皆以為起於後世或謂周代之所增難亦嘗發之琴書矣若古聖人凡創一事立一制必有不可易之法是故窮思極致無遠近無小大必致其三而後已固非若後世之士率意而作之者也既討於傳黃帝虞舜琴皆五絃而神農唐堯之琴其絃皆七斯其信者然則聖人之制果無意乎黃帝虞舜土紀者也土之數五故其絃皆五神農唐堯俱以火紀火之數七故其絃皆七是皆可得而稽者也五絃者琴之本制也蓋以當乎五音大絃為君小絃為目而六七兩弦實為少宮少商故

禮斗威儀云少宮主政少商主事宋衷以為聲五而已必加少宮少商者君臣任重為之設副者也二少之絃時為文絃武絃一弛一張文武之道而世遂以二絃為文武王之所加斯大妄矣 遂重八卦為六十四爻 帝王世紀曰庖犧氏作八卦神農重之為六十四卦 初都陳後居曲阜 路史後紀曰今宛丘有陳城故陳國傳云太昊之虛或云神農亦居此酈元云今故城北有所謂義神實者其處也傳無炎帝之虛而記載皆以為都魯此繆認大庭為神農故爾世紀云太昊都陳豫州之域西望方外東及明諸胡公之封神農氏亦都之是義炎果同處然攷義炎之都似在陳倉太昊紀已詳之而世紀云又營曲阜故晉志云神農都陳又別營曲阜郡國志云自陳徙都於此昔一庭阪譙周云炎帝居大庭寔宇記曲阜炎帝之虛皆相承之說也

立一百二十年崩塋長沙

路史後紀曰郡國志云炎帝神農氏葬長沙長沙之尾東至江夏謂之沙羨今郡有萬里沙祠故曰長沙世紀云神農塋茶陵稱圖經云茶陵者所謂山谷生茶名也炎陵今在麻陂林子茂密數里不可入石麟石土兩於蒼然逾四十圍兩杉而上陵也前正對紫金嶺丁未春予至焉寓人云年常有氣出之五行書云神農丁未日死丁未日塋 文獻通考淳熙十四年衡州守臣劉清之奏史載炎帝陵在

長沙茶陵今衡州茶陵縣是也陵廟皆在康樂鄉白鹿原距縣百里而祠宇廢 名勝志史記炎帝葬于茶山之野茶山即景陽山也以陵谷間多生茶茗故名在茶陵州治東高一千五百丈周迴百四十里茶水發源山北流瀧下十里合白鹿泉水以入於沱水經沱水出茶陵縣上鄉西北過其縣西地理志謂之泥水也白鹿原去州南一百里炎帝墓在焉

神農本起烈山故左氏稱烈山氏之子曰柱亦

曰厲山氏禮曰厲山氏之有天下是也

路史國名紀曰郡國志云厲山神農所生荊州圖經云永陽縣西北有厲山神農所生處後紀曰按列厲與烈音本通垂帶如厲裂也故音為裂趙都賦與越叶蜀賦亦與結叶詩栗烈叶卒歲而校獵賦隆烈亦與內叶知古同也且厲山即賴山故登真隱決音蘄字為咸厲切蓋音如賴注者不知謂音小異誤矣開山圖云厲山氏產山谷分布元氣蓋即厲山氏蔡墨曰厲山氏炎帝也起於厲山者禮

七祀太厲傷神也儀禮正義謂帝王之無後者至漢七祀無厲而有山神說者遂以為厲山氏妄矣杜預又以烈山謂炎帝時諸侯劉玄已非之

神農納奔水氏之女曰聽鼓為妃

路史國名紀曰神農取承桑氏陝之靈寶有桑里亭 後紀曰漢書作桑水氏書傳多作奔水氏字轉失也吳起云承桑之君脩德忌武以喪其國神宗皇帝神武秘畧言有唐滅之唐太宗金鏡述惟作桑氏即承桑也 太

平御覽詠音妖生常林

生帝哀哀生帝克克生帝榆罔

路史後紀曰書傳堯後為哀哀後為榆罔失之按堯來互音故書傳多作帝來小司馬記厘生哀哀生克克生榆罔又以哀克為二矣又曰炎帝參廬是曰榆罔居空桑

几八代五百三十年

路史後紀曰春秋命曆叙炎帝八世五百二十年古今通系年代曆世紀補史記外紀紹運紀運圖等並固乎此又曰古今通系系

炎世在位之歷帝承六十年臨八十年明四十九年直四十五年來四十八年哀四十三年榆罔五十年小司馬史記乃有魁無臨而通鑑外紀神農後為臨魁六十年帝承繼之帝承六年諸書不同世紀等不逾此夫神農七十世以炎黃之在位觀之不下數百千年而命曆叙等類以為八世五百二十年此所以致傳記之紛紛且以炎黃為世皆踰百載其子孫無一及於百年又皆上下於四五十間知其難據

其後有州

路史國名紀曰州桓公五年州公如曹說者為即淳于與地廣記高密夷安城淳于本春秋州國也今海之東海縣有大小州山本密併王之三公稱公云襄內侯者非也劉敞云如茶公者蓋或云懷之武德非武德懷故河胡公之類近地有州氏金石錄有州韓皆有州侯

甫

路史國名紀曰今拱之考城東北有薄城漢縣屬山陽本宋地梁莊十二年盟薄者預云

甘

路史國名紀曰京兆鄠西南五里有甘亭鄠志或云甘盤之國啓扈戰於此馬融云甘亭在鄠西北行甘當在戶東

許

路史國名紀曰許男爵太叔之封鄭滅之王符云潁川許縣

戲

路史國名紀曰戲驪山之北水名今新豐有戲亭鄠縣志新豐東北三十里有古戲亭幽

